

Amali, na kila kazi ya ustadi, inatokana na mtu kupingana na
mwenzake.

SWALI: Naomba kufahamu mstari huu unamaana gani?

Mhubiri 4:4 “Tena nikafikiri amali zote, na kila kazi ya ustadi, ya kwamba inatoka katika mtu kupingana na mwenzake. Hayo nayo ni ubatili na kujilisha upepo”.

JIBU: Sulemani ni mtu ambaye alipewa na Mungu uwezo wa kutambua hekima ya mambo yote yanayotendeka huku duniani.. Na moja ya jambo ambalo alilionna na kutolea habari zake ni kuhusiana na chanzo cha mafanikio mengi ya watu ni nini?.. Na ndio hapo anasema..

“Tena nikafikiri amali zote, na kila kazi ya ustadi, ya kwamba inatoka katika mtu kupingana na mwenzake”.

Kwamba kila utajiri, au kazi za ustadi, yaani nyumba nzuri, magari mazuri, mavazi mazuri, hatua zote za mafanikio, asilimia kubwa hutokana na mtu kupingana na mwenzake, kwa tafsiri iliyo nzuri ni kwamba hutokea mtu kushindana na mwingine..ambacho chanzo chake ni wivu.

Kwamfano, mtu atasema mbona Fulani amenunua gari, mimi sijanunua,

Amali, na kila kazi ya ustadi, inatokana na mtu kупingana na
mwenzake.

ngoja nikakope pesa nifanye kazi juu chini na mimi mwaka huu ninunue la kwangu zuri kuliko lile.. Sasa mtu kama huyu atapata gari kweli, lakini chanzo cha gari lake sio malengo yake, bali ni kwasababu wenzake wanayo magari yeye hana.

Hata mashirika makubwa, kufanikiwa kwao ni kwa mashindano, utaona kampuni moja la simu limetoa ofa hii, kesho lingine linaiga ofa ile ile na zaidi, ili lisipoteze wateja.. Hivyo yamefanikiwa kwa njia hizo hizo, za mashindano.

Tajiri mmoja atashindana na tajiri mwenzake ili awe namba moja, hivyo atafanya kazi kwa bidii usiku kucha, ili asishindwe na mwenzake, watashindana kibidhaa n.k.. Mchungaji mmoja atashindana na mchungaji mwingine kwa wingi wa washirika, au kwa ukubwa wa kanisa,

Sasa hayo yote Sulemani ameyaona na kusema ni ubatili, ni sawa na kujilisha(kuufuata) Upepo. Maana yake ni kuwa mafanikio yanayokuja kutoka katika wivu, au mashindano, hayana afya yoyote kiroho.

Hii inatufundisha nini?

Wafilipi 2:14-15 inasema..

Amali, na kila kazi ya ustadi, inatokana na mtu kipingana na
mwenzake.

“14 Yatendeni mambo yote pasipo manung’uniko wala mashindano,

15 mpare kuwa wana wa Mungu wasio na lawama, wala udanganyifu,
wasio na ila kati ya kizazi chenye ukaidi, kilichopotoka; ambao kati ya
hao mnaonekana kuwa kama mianga katika ulimwengu”

Kama watakatifu, hatupaswi kutafuta kitu chochote kwa kushindana,
utasema mwenzangu ana neema kubwa kama ile, ngoja na mimi
nikafunge na kuomba nimpite,. Hapana, bali tunapaswa tuishi kwa
kumtazama Mungu,kila mmoja katika nafasi yake aliyopewa na Mungu,
na kuitendea bidii hiyo, kwasababu kwa kupitia hiyo ndio Mungu
atatusfanikisha, na sio kwa neema za wengine..

Bwana atubariki.

mafundisho ya kila siku kwa njia ya WHATSAPP, jiunge na channel yetu
kwa kubofya link

hii >> <https://whatsapp.com/channel/0029VaBVhuA3WHTbKoz8jx>

10

Shalom.

Amali, na kila kazi ya ustadi, inatokana na mtu kupingana na
mwenzake.

Tafadhali share na wengine ujumbe huu;

Pia Kwa maombezi/ Ushauri/ Maswali/ Whatsapp:
Tuandikie katika BOXI la Maoni hapo chini au
Piga namba hizi: +255693036618 au +255789001312

Mada Nyinginez:

Nini maana ya “Amali” na “Ijara” katika biblia?

Na alaaniwe ampigaye mwenzake kwa siri.

**Nini maana ya mstari huu: (Mtu ambarikiye mwenzake kwa sauti
kuu asubuhi na mapema; Itahesabiwa kuwa ni laana
kwake.Mithali 27:14)?**

Njia zote za mtu ni safi machoni pake mwenyewe;(Mithali 16:2)

Kuwaogopa wanadamu huleta mtego,(Mithali 29:25)

Mego ni nini kama tunavyosoma katika biblia? (Mithali 17:1)

Amali, na kila kazi ya ustadi, inatokana na mtu kupingana na
mwenzake.

Rudi nyumbani

Share on:

WhatsApp

[Print this post](#)